



## Dūni wā yaa wum-noogo, la dūni wum-noog sēn yūda, yaa pug-sōngo

Yii a 'Abdullaah |bn 'Amr nengē, (Wēnd yard be a yīnga), a yeelame: Wēnd Tēn-tuūma, (Wēnd puusg la A tūlgr be a yīnga) yeelame: «Dūni wā yaa wum-noogo, la dūni wum-noog sēn yūda, yaa pug-sōngo».

[Naşun Şahuhun (Gom-sikdem sēn manege)] [A Muslim n togs-a]

Nabiyaamā -Wēnd puusg la A tūlgr be a yīnga -kōta kibare, tū dūni wā la būmb ning sēn be a pugē wā fāa, a yaa būmb b sēn wūmsd noog ne-a wakat bilf bala , rē poorē t'a wa gōbg n bas ninsaala, la ad dūni wum-noogā sēn tuq n yūda, yaa pug-sōngo, pag ning tū fo sā n ges-a a noogda f sūuri, la fo sā n sagl-a a tūud-f lame, la f sā n lill n bas-a a gūuda a sīdā, a mengē la a sīdā arzēkē.

<https://sunnah.global/hadeeth/mos/show/5794>

